



UNIVERSITÄTS-
BIBLIOTHEK
PADERBORN

Cvrsvs Philosophicvs

Arriaga, Rodrigo de

Antverpiæ, 1632

Svmma Privilegii Caesarei.

[urn:nbn:de:hbz:466:1-95614](https://nbn-resolving.org/urn:nbn:de:hbz:466:1-95614)

SVMMA PRIVILEGII CAESAREI.

FERDINANDVS II. Diuinâ fauente clementiâ electus Romanorum Imperator semper Augustus Diplomate suo sanxit, nequis intra Romani Imperij & Regnorum ac Dominiorum suorum hereditarium fines, Societatis IESV Patrum Opera, citra consensum eorundem Patrum & Auctorum recudere, aut alibi recusa inferre, aut vendere præsumat. Qui secus faxit, præter librorum confiscationem, decem marcharum auri puri poenâ mulctabitur, vti latius patet in litteris datis Viennæ 14. Augusti M. DC. XXVI.

Signat.

FERDINANDVS.

Ad mandatum S. Cæs. Maiest. proprium.

Hermannus à Questenbergh.

FACULTAS R. PATRIS PROVINCIALIS BOHEMIAE SOCIETATIS IESV.

EVM Sacrae Caesareae Maiestatis decreto omnibus & singulis Typographis & Bibliopolis ac quibuscumque alijs serio firmiterque inhibeat, ne quis vllos libros à nostris Patribus huc vsque editos, vel in posterum edendos, intra Sacri Romani Imperij, Regnorum & Dominiorum suae Caesareae Maiestatis hereditarium fines imprimere, recudere, aut alibi impressos adducere & distrahare clam seu palam sine praedictorum Patrum consensu audeat vel præsumat; ego Christophorus Grenzinus Societatis IESV per Bohemiam Praepositus Prouincialis (potestate mihi ad id facta ab Admodum Reuerendo Patre Nostro Generali Mutio Vitellesco) soli Balthasari Moreto Antuerpiensi Typographo licentiam concedo excudendi Cursum Philosophicum à R^{do} P. Roderico de Arriaga Societatis nostrae Theologo conscriptum, atque à deputatis ad id Patribus Theologis reuissum & approbatum. In quorum fidem hoc ei testimonium & priuilegium ad decennium manu nostra subscriptum & sigillo munitum dedimus. Datum Pragae xv. Nouembris, anno Domini M. DC. xxx.

Christophorus Grenzinus.